



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎԻ
ԳԼԽԱՎՈՐ ՔԱՐՏՈՒՂԱՐ

Հայաստանի Հանրապետություն, 0010, ք. Երևան, Տիգրան Մեծի 4, հեռ.՝ (+374 60) 830 840, (+374 60) 830 850

Էլ-փոստ՝ info@competition.am, վեբ կայք՝ <http://www.competition.am>

«08» 12 2023թ.

No 011032

«ՄՈՒԼՏԻ-ԼԵՈՆ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ
ԸՆԿԵՐՈՒԹՅԱՆ ՏՆՕՐԵՆ
ՊԱՐՈՆ ԱՐՏՅՈՄ ՄԵԼՈՅԱՆԻՆ
(Հասցե՝ ՀՀ, Կոտայքի մարզ, Առինջ)

Հարգելի՛ պարոն Մելոյան,

Մրցակցության պաշտպանության հանձնաժողովը (այսուհետ՝ **Հանձնաժողով**) 2023 թվականի դեկտեմբերի 5-ի «Մուլտի Լեոն» սահմանափակ պատասխանատվությամբ ընկերության և «Բարձրունք Գրուպ» սահմանափակ պատասխանատվությամբ ընկերության կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին» թիվ 518-Ա որոշմամբ (այսուհետ՝ **Թիվ 518-Ա որոշում**) հարուցել է թիվ ՀԳ-04583/23 վարույթը:

«Մուլտի Լեոն» սահմանափակ պատասխանատվությամբ ընկերության (այսուհետ՝ **Ընկերություն**) լսված լինելու իրավունքն իրացնելու նպատակով Ընկերությունը կարող է երկշաբաթյա ժամկետում Հանձնաժողով ներկայացնել գրավոր դիրքորոշում և այլ հիմնավորող նյութեր հարուցված վարույթում քննարկվող հարցերի վերաբերյալ: Ընկերության հիմնավոր միջնորդության հիման վրա երկշաբաթյա ժամկետը Հանձնաժողովի նախագահի գրությամբ կարող է երկարաձգվել մինչև երկշաբաթյա ժամկետով:

Միաժամանակ, Հանձնաժողովը 2023 թվականի դեկտեմբերի 5-ին ընդունել է «Մուլտի Լեոն» և «Բարձրունք Գրուպ» սահմանափակ պատասխանատվությամբ ընկերությունների վերաբերյալ թիվ ՀԳ-03510/23 վարույթը կասեցնելու մասին» թիվ 519-Ա որոշումը:

Տեղեկացնում ենք նաև, որ

իրավախախտում կատարվելու շարժառիթները և հանգամանքները, տնտեսավարող սուբյեկտի կողմից իրավախախտում կատարվելու փաստն ընդունելու կամ Հանձնաժողովի հետ համագործակցելու հանգամանքը, պատասխանատվությունից ազատելու հիմքերը, տնտեսավարող սուբյեկտի վրա նշանակվող տուգանքի հնարավոր ազդեցությունը, տվյալ տնտեսավարող սուբյեկտի գործունեության ոլորտը և տնտեսավարող սուբյեկտի պատմությունը: Ընդ որում, «Վարչարարության հիմունքների և վարչական վարույթի մասին» օրենքի 43-րդ հոդվածի համաձայն՝ Ընկերության համար բարենպաստ հանգամանքների ապացուցման բեռը կրում է Ընկերությունը:

6. Պատասխանատվության միջոցի ընտրությունը և տուգանքի հաշվարկումն իրականացվում է Հանձնաժողովի 2021 թվականի դեկտեմբերի 28-ի թիվ 395-Ն որոշմամբ սահմանված մեթոդաբանությամբ:

7. ՀՀ քրեական օրենսգրքի 479-րդ հոդվածով վարչական վարույթով ապացույց կամ բացատրություն կեղծելու, փոխելու, ոչնչացնելու կամ թաքցնելու կամ կեղծ ապացույց ներկայացնելու համար սահմանված է քրեական պատասխանատվություն:

8. ՀՀ քրեական օրենսգրքի 504-րդ հոդվածով վարչական վարույթով սուտ բացատրություն կամ սուտ ցուցմունք տալու համար սահմանված է քրեական պատասխանատվություն:

9. Ընկերության կողմից Թիվ ՀԳ-03510/23 վարույթի հարուցումից հետո դրա շրջանակում քննարկվող վարքագծի կրկնությունը հիմք է նոր վարույթ հարուցելու համար:

10. Հանձնաժողովին փաստաթղթեր ներկայացնել և ստանալ, ինչպես նաև Հանձնաժողովի հետ հետագա ողջ հաղորդակցությունը կարող եք իրականացնել նաև առցանց՝ Հանձնաժողովի e-Compete էլեկտրոնային համակարգի (այսուհետ՝ Համակարգ) միջոցով, որի համար անհրաժեշտ է գրանցվել Համակարգում՝ մուտք գործելով Հանձնաժողովի պաշտոնական կայքի (www.competition.am) «Իմ էջը» բաժին, ընտրելով «Գրանցվել» հրամանը և լրացնելով անձի նույնականացման համար պահանջվող տվյալները:

Կից ներկայացվում է թիվ 518-Ա և 519-Ա որոշումների պատճենները:

Առդիր՝ «7» թերթ:

ՀԱՐԳԱՆՔՈՎ՝

ԱՇՈՏ ՎԱՀԱՆՅԱՆ



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ**

Ո Ր Ո Շ ՈՒ Մ

6 դեկտեմբերի 2023 թվականի թիվ 518-Ա

**«ՄՈՒԼՏԻ-ԼԵՈՆ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
ԵՎ «ԲԱՐՁՐՈՒՆՔ ԳՐՈՒՊ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ
ԸՆԿԵՐՈՒԹՅԱՆ ԿՈՂՄԻՑ ՏՆՏԵՍԱԿԱՆ ՄՐՑԱԿՑՈՒԹՅԱՆ ԲՆԱԳԱՎԱՌՈՒՄ
ԻՐԱՎԱԽԱԽՏՄԱՆ ՎԵՐԱԲԵՐՅԱԼ ՎԱՐՈՒՅԹ ՀԱՐՈՒՑԵԼՈՒ ՄԱՍԻՆ**

Մրցակցության պաշտպանության հանձնաժողովը (այսուհետ նաև՝ **Հանձնաժողով**) 2023 թվականի դեկտեմբերի 6-ի նիստում, քննարկելով «Մուլտի-Լեոն» սահմանափակ պատասխանատվությամբ ընկերության (այսուհետ նաև՝ «Մուլտի-Լեոն» **ընկերություն**) և «Բարձրունք Գրուպ» սահմանափակ պատասխանատվությամբ ընկերության (այսուհետ նաև՝ «Բարձրունք Գրուպ» **ընկերություն**) կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին հարցը,

Պ Ա Ր Զ Ե Ց

Հանձնաժողովի համակենտրոնացումների, պետական օժանդակության գնահատման և շուկաների վերլուծության համակենտրոնացումների և պետական օժանդակության գնահատման բաժինը 2023 թվականի դեկտեմբերի 5-ի թիվ ՄՊՀ-010876/05-12-2023 զեկուցագրով առաջարկել է «Մուլտի-Լեոն» և «Բարձրունք Գրուպ» ընկերությունների կողմից տնտեսական մրցակցության բնագավառում իրավախախտման հատկանիշների առկայությունը պարզելու նպատակով հարուցել վարույթ:

Ներկայացված զեկուցագրի համաձայն՝ Հանձնաժողովը 2023 թվականի սեպտեմբերի 19-ի «Մուլտի-Լեոն» սահմանափակ պատասխանատվությամբ ընկերության և «Բարձրունք Գրուպ» սահմանափակ պատասխանատվությամբ ընկերության կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին» թիվ 422-Ա որոշմամբ (այսուհետ նաև՝ **թիվ**

422-Ա որոշում) հարուցել է թիվ ՀԳ-03510/23 վարույթը՝ չհայտարարագրված համակենտրոնացման հատկանիշների առերևույթ առկայության հիմքով:

Մասնավորապես՝ «Բարձրունք Գրուպ» սահմանափակ պատասխանատվությամբ ընկերությունը (այսուհետ նաև՝ «Բարձրունք Գրուպ» ընկերություն) 2023 թվականի մայիսի 11-ին ձեռք է բերել «Մուլտի-Լեոն» սահմանափակ պատասխանատվությամբ ընկերության (այսուհետ նաև՝ «Մուլտի Լեոն» ընկերություն) կանոնադրական կապիտալի 100 տոկոս փայաբաժինը (այսուհետ նաև՝ Գործարք):

«Մուլտի-Լեոն» ընկերության

«Բարձրունք Գրուպ» ընկերության հետ անձանց խումբ կազմող

«Մուլտի-Լեոն» ընկերության կողմից ներկայացված տեղեկատվության համաձայն՝ «Մուլտի-Լեոն» ընկերությունը հիմնադրվել է 2000 թվականի օգոստոսի 14-ին և զբաղվում է գազալցման կայաններում ավտոմեքենաների համար հեղուկ գազի, սեղմված բնական գազի և գազօլիների մանրածախ առևտրով:

«Բարձրունք Գրուպ» ընկերությունը հիմնադրվել է 2023 թվականի ապրիլի 25-ին և ըստ տնտեսական գործունեության տեսակների դասակարգչի իրականացնում է ձեռնարկատիրական գործունեությանն օժանդակող լրացուցիչ այլ գործունեություն, չներառված ուրիշ խմբավորումներում:

Վերոգրյալից հետևում է, որ «Մուլտի-Լեոն» ընկերությունը և «Բարձրունք Գրուպ» ընկերության հետ Օրենքի իմաստով անձանց խումբ կազմող

իրականացնում են

գազալցման կայաններում ավտոմեքենաների համար հեղուկ գազի, սեղմված բնական գազի և գազոլինի մանրածախ առևտուր:

Այսինքն, «Բարձրունք Գրուպ» և «Մուլտի-Լեոն» ընկերությունների 2023 թվականի մայիսի 11-ի համակենտրոնացումը առերևույթ հորիզոնական համակենտրոնացում է:

Միաժամանակ, Հանձնաժողովի 2023 թվականի մայիսի 16-ի ««Մուլտի Գազ» սահմանափակ պատասխանատվությամբ ընկերության կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին» թիվ 224-Ա որոշմամբ և ««Մուլտի-Լեոն» սահմանափակ պատասխանատվությամբ ընկերության կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին» թիվ 225-Ա որոշմամբ հարուցվել են համապատասխանաբար թիվ ՀԳ-02106/23 և ՀԳ-02112/23 վարույթները՝ գերիշխող դիրքի չարաշահման հատկանիշների առերևույթ առկայության հիմքով:

«Տնտեսական մրցակցության պաշտպանության մասին» օրենքի (այսուհետ նաև՝ Օրենք) 73-րդ հոդվածի 2-րդ մասի համաձայն՝ հայտարարագրման ենթակա համակենտրոնացումը համարվում է արգելված, եթե՝

1) այն գործողության մեջ է դրվել առանց Հանձնաժողովի՝ համակենտրոնացումը թույլատրելու մասին որոշման, և հետագայում Հանձնաժողովն ամրագրել է, որ այն ենթակա է արգելման.

2) Հանձնաժողովի կողմից սույն օրենքի 72-րդ հոդվածի 3-րդ մասով նախատեսված որոշման դեպքում համակենտրոնացման մասնակցի (մասնակիցների) կողմից պարտադիր կատարման ենթակա պայմանների և պարտավորությունների խախտման հիմքով Հանձնաժողովն ուժը կորցրած է ճանաչել համակենտրոնացումը թույլատրելու մասին որոշումը:

Օրենքի 70-րդ հոդվածի 1-ին մասի համաձայն՝ Հանձնաժողովն արգելում է հայտարարագրման ենթակա համակենտրոնացումը, եթե՝

1) Հանձնաժողովի ռաուանասիրությունների արդյունքների համաձայն՝ համակենտրոնացման հետևանքով կանխվելու, սահմանափակվելու, արգելվելու կամ

այլ կերպ վատթարանալու է տնտեսական մրցակցությունը համապատասխան ապրանքային շուկայում, կամ

2) Հանձնաժողովի ուսումնասիրությունների արդյունքների համաձայն՝ համակենտրոնացումը հանգեցնելու է գերիշխող դիրքի առաջացմանը կամ ամրապնդմանը, կամ

3) Հանձնաժողովի ուսումնասիրությունների արդյունքների համաձայն՝ համակենտրոնացման հետևանքով վնասվելու են սպառողների շահերը, կամ

4) համակենտրոնացման մասնակիցը չի ներկայացնում համակենտրոնացման ազդեցությունը համապատասխան ապրանքային շուկայում գնահատելու համար Հանձնաժողովի կողմից էական դիտարկվող տեղեկատվություն, և այդ տեղեկատվությունն այլ աղբյուրներից ստանալն անհնար է, կամ

5) համակենտրոնացման մասնակիցը ներկայացրել է համակենտրոնացման ազդեցությունը համապատասխան ապրանքային շուկայում գնահատելու համար Հանձնաժողովի կողմից էական դիտարկվող կեղծ տեղեկատվություն, ինչը բացասաբար է անդրադարձել Հանձնաժողովի կողմից իրականացվող ուսումնասիրության ընթացքի և արդյունքների վրա:

Տվյալ դեպքում «Բարձրունք Գրուպ» և «Մուլտի-Լեոն» ընկերությունների 2023 թվականի մայիսի 11-ի համակենտրոնացումը առերևույթ կարող է պարունակել արգելված համակենտրոնացման հատկանիշներ:

Օրենքի 92-րդ հոդվածի 1-ին մասի համաձայն՝ տնտեսական մրցակցության բնագավառում իրավախախտման համար Հանձնաժողովն իրավասու է տնտեսավարող սուբյեկտներին, պետական մարմիններին և դրանց պաշտոնատար անձանց տալու նախազգուշացում կամ նշանակելու տուգանք:

Օրենքի 93-րդ հոդվածի 6-րդ մասի համաձայն՝ արգելված համակենտրոնացումը գործողության մեջ դնելու համար նշանակվող տուգանքի չափը կազմում է տնտեսավարող սուբյեկտի՝ իրավախախտմանը նախորդող տարվա հասույթի մինչև 10 տոկոսը:

Օրենքի 93-րդ հոդվածի 13-րդ մասի համաձայն՝ նախորդ տարում 12 ամսից պակաս գործունեություն իրականացրած լինելու դեպքում սույն հոդվածով նախատեսված տուգանքների չափը կազմում է իրավախախտմանը նախորդող, բայց ոչ ավելի, քան 12 ամսվա գործունեության ժամանակահատվածի հասույթի նկատմամբ սույն հոդվածում նախատեսված տոկոսը:

Հաշվի առնելով վերոնշյալը՝ Հանձնաժողովն անհրաժեշտ է համարում «Մուլտի-Լեոն» և «Բարձրունք Գրուպ» ընկերությունների կողմից տնտեսական մրցակցության բնագավառում հնարավոր իրավախախտման վերաբերյալ հարուցել վարույթ:


Հիմք ընդունելով վերագրյալ և ղեկավարվելով՝ Օրենքի 76-րդ հոդվածի 1-ին մասի 3-րդ կետով, 79-րդ հոդվածի 3-րդ մասի 1-ին կետով, 83-րդ հոդվածի 1-ին մասով և 42-րդ հոդվածի 2-րդ մասով՝ Հանձնաժողովը

Ո Ր Ո Շ Ե Ց

1. «Մուլտի-Լեոն» սահմանափակ պատասխանատվությամբ ընկերության և «Բարձրունք Գրուպ» սահմանափակ պատասխանատվությամբ ընկերության կողմից տնտեսական մրցակցության բնագավառում իրավախախտման վերաբերյալ հարուցել վարույթ:
2. Սույն որոշումն ուժի մեջ է մտնում ընդունման պահից:

ՆԱԽԱԳԱՀԻՆ
ԺԱՄԱՆԱԿԱՎՈՐ ՓՈԽԱՐԻՆՈՂ

2023 թ. դեկտեմբերի 6
Երևան

 Տ. ՄԱՐԿՈՍՅԱՆ




ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ

Ո Ր Ո Շ ՈՒ Մ

6 դեկտեմբերի 2023 թվականի թիվ 519-Ա

«ՄՈՒԼՏԻ-ԼԵՈՆ» ԵՎ «ԲԱՐՃՐՈՒՆՔ ԳՐՈՒՊ» ՍԱՀՄԱՆԱՓԱԿ
ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅՈՒՆԵՐԻ ՎԵՐԱԲԵՐՑԱԼ ԹԻՎ ՀԳ-03510/23
ՎԱՐՈՒՅԹԸ ԿԱՍԵՑՆԵԼՈՒ ՄԱՍԻՆ

Մրցակցության պաշտպանության հանձնաժողովը (այսուհետ նաև՝ **Հանձնաժողով**), 2023 թվականի դեկտեմբերի 6-ի նիստում, քննարկելով «Մուլտի-Լեոն» (այսուհետ նաև՝ **«Մուլտի-Լեոն» ընկերություն**) և «Բարձրունք Գրուպ» (այսուհետ նաև՝ **«Բարձրունք Գրուպ» ընկերություն**) սահմանափակ պատասխանատվությամբ ընկերությունների վերաբերյալ թիվ ՀԳ-03510/23 վարույթը կասեցնելու մասին հարցը,

Պ Ա Ր Զ Ե Ց

Հանձնաժողովը 2023 թվականի սեպտեմբերի 19-ի «Մուլտի-Լեոն» սահմանափակ պատասխանատվությամբ ընկերության և «Բարձրունք Գրուպ» սահմանափակ պատասխանատվությամբ ընկերության կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին» թիվ 422-Ա որոշմամբ (այսուհետ նաև՝ **թիվ 422-Ա որոշում**) հարուցել է թիվ ՀԳ-03510/23 վարույթը՝ (այսուհետ նաև՝ **Վարույթ**) չհայտարարագրված համակենտրոնացման հատկանիշների առերևույթ առկայության հիմքով:

Հանձնաժողովի 2023 թվականի դեկտեմբերի 6-ի որոշմամբ «Մուլտի-Լեոն» և «Բարձրունք Գրուպ» ընկերությունների կողմից տնտեսական մրցակցության բնագավառում իրավախախտման հատկանիշների առկայությունը պարզելու նպատակով հարուցվել է վարույթ՝ արգելված համակենտրոնացման հատկանիշների առերևույթ առկայության հիմքով:

«Տնտեսական մրցակցության պաշտպանության մասին» օրենքի (այսուհետ նաև՝ **Օրենք**) 73-րդ հոդվածի 1-ին մասի համաձայն՝ հայտարարագրման ենթակա համակենտրոնացումը համարվում է չհայտարարագրված, եթե այն գործողության մեջ է դրվել առանց

Հանձնաժողովի՝ համակենտրոնացումը թույլատրելու մասին որոշման, և առկա չէ նույն հոդվածի 2-րդ մասով նախատեսված դեպքերից որևէ մեկը:

Նույն հոդվածի 2-րդ մասի համաձայն՝ հայտարարագրման ենթակա համակենտրոնացումը համարվում է արգելված, եթե՝

1) այն գործողության մեջ է դրվել առանց Հանձնաժողովի՝ համակենտրոնացումը թույլատրելու մասին որոշման, և հետագայում Հանձնաժողովն ամրագրել է, որ այն ենթակա է արգելման:

2) Հանձնաժողովի կողմից սույն օրենքի 72-րդ հոդվածի 3-րդ մասով նախատեսված որոշման դեպքում համակենտրոնացման մասնակցի (մասնակիցների) կողմից պարտադիր կատարման ենթակա պայմանների և պարտավորությունների խախտման հիմքով Հանձնաժողովն ուժը կորցրած է ճանաչել համակենտրոնացումը թույլատրելու մասին որոշումը:

Օրենքի 65-րդ հոդվածի 2-րդ մասի 2-րդ կետի համաձայն՝ Հանձնաժողովի կողմից իրականացվող վարույթը կասեցվում է, եթե անհնարին է տվյալ վարույթի արդյունքում որոշման ընդունումը մինչև այլ վարչական վարույթով որոշում կայացնելը:

Վերոշարադրյալի համատեքստում Հանձնաժողովը գտնում է, որ անհնարին է թիվ ՀԳ-03510/23 վարույթով որոշում կայացնելը, քանի որ թիվ ՀԳ-03510/23 և թիվ ՀԳ-04583/23 վարույթները հարուցվել են միևնույն տնտեսավարող սուբյեկտների և միևնույն գործարքի վերաբերյալ, ուստի թիվ ՀԳ-04583/23 վարույթով վերջնական որոշման կայացման արդյունքները կարող են էական նշանակություն ունենալ թիվ ՀԳ-03510/23 վարույթի ելքի համար:

Հիմք ընդունելով վերոգրյալը և ղեկավարվելով Օրենքի 38-րդ հոդվածի 1-ին և 2-րդ մասերով, 65-րդ հոդվածի 2-րդ մասի 2-րդ կետով և 5-րդ մասով, 42-րդ հոդվածի 2-րդ մասով՝ Հանձնաժողովը

Ո Ր Ո Շ Ե Ց

1. Կասեցնել «Մուլտի Լեոն» և «Բարձրունք Գրուպ» սահմանափակ պատասխանատվությամբ ընկերությունների վերաբերյալ թիվ ՀԳ-03510/23 վարույթը:

2. Սույն որոշումն ուժի մեջ է մտնում ընդունման պահից:

ՆԱԽԱԳԱՀԻՆ
ԺԱՄԱՆԱԿԱՎՈՐ ՓՈԽԱՐԻՆՈՂ

2023 թ. դեկտեմբերի 6
Երևան

